

湖南巡按使署政報

編行館

書

報局

印

湖南政報

本報價目

一本報按照陽歷每日出報一本

一每分每月收回大洋六角

一零售每分銅元四枚

一外埠購報郵費以購報之多寡酌加

一夫役送報如有遺漏請即函告以便補發

本報緊要啟事

本報爲提倡實業起見特稟准自七月一號起仿照政府公報及各省公報例於後幅加添營業廣告一門凡各官署官私立學校與各界商民人等欲登廣告事件請查照本報登載之廣告條例至本公署政報發行所暨南門外上碧湘街皖南沈宅接洽可也特啟

附登廣告條例

一凡登廣告事件者須先行錄稿送經本處核定後方可照刊如嗚冤洩憤與行政上有關礙抵觸之處概不登載

一凡各官署及各官有事業機關之廣告向登一日者依公布例不收刊資一日以外仍繼續登載一律收費

一凡廣告登載地位係在本報末後均用四號字如須刊大字圖畫照所佔地位面議
一告白登載三日起碼第一日每字三文第二日每字二文三日以後每字一文滿月七折一
月以後六折

一凡登廣告照章先繳刊費一律無扣如縮短期限刊費不退未繳費者恕不登載
一凡登載廣告者隨送本處政報一本一星期內不另取費

湖南政報目錄

財政

巡按使批財政廳詳賈茶陵知事詳擬清查田賦章程並擬在本廳所收券費項下撥給經費由

巡按使批財政廳據第一區驗契委員會詳督催驗各項新稅及辦理情形由

巡按使批財政廳據衡陽驗契會辦詳請變賣王棟臣等家產彌補調查夫馬等費由

巡按使批財政廳據衡陽知事詳變賣王棟臣等家產如有多餘彌補車前任虧欠由

內務

巡按使飭財政廳據警察廳長詳報省中各碓房現已無米可糴懇先事維持由

巡按使電復益陽知事速查勘詳報一面撫綏垸內水退速種晚稻由

巡按使呈 大總統具報江華等五縣水災請備案由

巡按使飭財政廳據東安電請加發省穀三百石由

巡按使電復東安縣知事由

巡按使咨 督武將軍准 部咨抄錄會呈清鄉事竣一案 批令咨行查照由

巡按使示諭設局開辦平糶由

巡按使批行高等審判廳據寧遠張運海稟張琴冤陷獄斃懲懲辦誣告由

巡按使批靖縣知事詳報常平倉穀盤量失耗可否准以失耗作抵請核示由

巡按使批行衡陽道尹據僧成就等稟花藥寺鐵弊牒謹錄卷批瀆懇復查由

巡按使批水警廳水警第一專署詳責接收前任移交清冊請備案由

巡按使批武陵道詳復水警署指撥常德舊府學署爲駐在地點由

巡按使批岳陽知事詳據李宗湘等稟請轉詳縣屬受災狀況由

巡按使批行益陽縣據龍梅先等稟控簡玉秀等捐費不繳一案由

巡按使批鳳凰知事詳報龍子科等家被搶一案勘驗情形由

巡按使批行湘潭知事據黃玉軒等稟胡紹祺冒認兌買小樹爲法枉閉懲飭再審由

實業

巡按使飭出品協會
商務總會准赴美賽會監督處查明此次赴美賽會經過事實希查照轉知協會商會及各出品人以慰羣望由

巡按使批百鍊礦務公司稟爲安源焦煤擬俟全數售完將所得價金連同上年運遞餘金一併繳還公欵由

巡按使批第一紡紗廠總經理李章鈞詳請開去總理兼職由

教育

巡按使飭公立專門法校騰出校室并會同監察由

雜件

公債四字歌

財政

湖南巡按使陶批

批財政廳詳費茶陵知事詳擬清查田賦章程并擬在本廳所收券費項下撥治經費由詳及章程均悉茶陵縣高知事擬陳清查田賦章程既據該廳核明尙屬妥協應准照辦其經費一項如詳由該廳所收券費項下撥給錢六百串文以資應用如有不敷由該知事就地籌補仰卽轉飭該縣知事妥慎辦理俟清查完竣卽行編造總冊詳報察核此批章程存

批財政廳據第一區驗契委員
瀏陽縣
事會詳督催驗各項新稅及辦理情形由

詳悉查該縣驗契收數雖已逾額惟地方遼闊未驗之契尙多近來收數寥寥若不積極進行其何以濟要需而收成效印花稅一項該縣收數亦屬無多若能切實檢查厲行督促必能日臻暢旺至烟酒牌照稅特種營業稅及烟酒牙稅等項均屬目前切要之圖該知事身任地方責無旁貸務須分別切實稽徵以裨收入是爲至要仰財政廳轉飭遵照并轉行委員知照此批

批財政廳據衡陽知
驗契會辦
事詳請變賣王棟臣等家產彌補調查夫馬等費由

詳悉查該縣民王棟臣王竹齋等僞造假印信私驗契紙厥罪綦重應卽嚴拿究辦以肅法紀據稱查封王棟臣王竹齋田業四十餘畝關於調查夫馬等費已達一百餘串之多此項公用自應在公署經費及驗契百分之六項下挹注開支至王棟臣等侵吞驗費究有若干應由該印

委等澈查追繳所有田產應予暫行差押歸案議結未便遽行變賣致與法定程序不符仰財政廳轉飭遵照仍嚴緝王棟臣等務獲究追此批

批財政廳據衡陽_{知驗契會辦事}詳變賣王棟臣等家產如有多餘彌補車前任虧欠由

詳悉查該縣民王棟臣等僞造印信私驗契紙一案所有該犯等財產應予暫行差押歸案議結未便遽行變賣業於另詳明晰批示在案至車前知事任丙虧用驗契正欵洋四百九十一餘圓前據車前知事詳經劉前巡按使批行財政廳核飭該知事於六成公費內陸續彌補自應由該知事查明車前知事任內應支六成公費數目代爲彌補前項虧款如有不敷仍應由車前知事如數補解以重公帑仰財政廳飭卽遵照辦理具復核奪仍由廳飭知車前知事查照此批

內務

湖南巡按使公署飭

爲飭行事案據警察廳長張樹勳報稱據外南署署長成震英詳稱案據各長警於二十三日咸以市米維艱先後報告前來業將情形詳報在案今日傍晚時又據駐在所余巡長詳稱今晚甲班時巡長查得轄地各小民持箕攜斗向各碓坊糴米均以無米可糴空具而返并據復興街戶籍第三五一六號廣興米店店主李澤浦來所報稱瀏城外一帶碓坊倉箱均已告罄現在儲備倉雖經開市然每日不能多糴對於糴出方面不啻杯水車薪懇請設法維持等語理合詳報察核前來據所查各碓坊均無米糴飢荒之象不獨該所爲然詢之各分署情形大都如是今日尤形急迫應如何辦平糴先事維持之處理合續行詳報核奪施行等情據此廳長復查無異除飭各署轉知該管碓坊無得故意居奇致干處罰并嚴行防範免釀事端外理合詳報察核等情據此查省垣開辦平糴原定於七月一日開始實行前據該廳道等詳擬辦法業經本署批准並出示曉諭在案茲據報稱前情應否先事維持以資救濟爲此飭仰該廳長卽便商同商會確查米鋪日內情形妥籌辦理是爲至要事關民食仰卽迅辦具報毋延切切此飭

湖南巡按使陶思澄

右飭財政廳長

准此

湖南巡

按使印

中華民國四年六月二十五日

巡按使公署致益陽知事電

益陽毛知事梗電悉該縣因大雨水漲城市被淹並潰堤垸實深軫念仰速查勘詳報並妥籌賑撫垸內水退能否仍飭補種以期有秋並仰妥辦具復巡按使陶敬印

✓巡按使陶呈報江華等五縣水災情形請備案文

呈爲江華臨武漵浦酃縣會同等五縣詳報大水衝廢田畝遵例呈報備案仰祈 鈎鑒事窺查勘報災歉條例第一條內載各省遇有水旱風雹虫傷及他項成災應行查勘蠲緩錢糧悉照本條例辦理又第三條內載巡按使據該縣詳報應卽呈報 大總統并咨陳主管各部備案各等語湘省本年五月霪雨爲虐山洪暴漲巖居邑縣多被災浸據江華縣知事黎瑛詳

報五月十七日縣屬錦田地方偶遇暴雨山水陡發查勘得沿河兩岸淹斃人口三十餘名糧田之衝毀成河或砂積成洲者二千餘畝浸倒房屋一百八十餘所其田畝沙淹尙淺可施人力及時成田者不過十分之二沙石并堆須俟二三年耕餘挑運始能挽救者居十分之二三水洗成河及石磊成洲無可施以人力者實居十分之五六等情又據臨武縣知事汪榮詳報五月二十一日縣屬東南兩區偶遇暴雨山水陡發查勘得榜山團古車團水衝沙壓糧田三

百六十餘畝貝溪團遭浪洗砂壓糧田四百餘畝田堆砂礫一時多難播種板栗園衝壓民田二百餘畝衝倒古廟一所石橋二座土橋園衝淹糧田三百九十餘畝衝倒古廟民房各一所又農民陳安學因用被砂壓生計已窮迫急自縊隕命戰字園砂淤糧田一千餘畝衝倒房屋三十餘重石礫一座並淹斃婦女一名溪江安富頭龍水村各鄉村共衝壞糧田一百八十餘畝房屋三重馬塘園水淹及砂淤糧田一千餘畝衝倒房屋八十多重大步里房大平田兩處砂壓糧田共百餘畝衝倒房屋二十七重等情又據漸浦縣知事徐錦詳報五月十四日縣屬下里偶遇暴雨山水陡發北鋸寨雞腳冲等數十處受害尤烈田土泛濫砂石堆積約計漂沒田畝一萬餘石溺斃男婦約二十餘名沿江橋梁一無所存係據龍潭鎮警察分所詳報正在履勘等情又酈縣知事瞿燮詳報五月四日縣屬南鄉八區西坑地方因春雨彌月山水陡發查勘得該處沿河兩岸上自田棚裡中經西坑下至上村約八里許衝壓糧田計七十餘畝其中可開復者四十餘畝有爲砂礫堆積不能開復者二十餘畝等情又據會同縣知事郭經詳報五月二十日縣境春雨過多山水暴發調查東南城郭之步雲橋攀龍橋均被衝毀橋亭石墩漂去無存沿溪一帶廬舍田園崩塌無數人民牲畜亦多淹斃而尤以廣平安懷伏龍若水豐山等鄉爲最甚被衝之田不下數萬畝有被水衝洗者亦有被砂掩覆者更有被石堆擁者而橋梁亦多被損壞現在交夏已久被衝之田修復挑挖恐耕作失時不及趕種等情查江華臨武漸浦三縣大水成災前據各該知事電稟到署由前巡按使劉心源及思澄先後電咨內

務財政兩部擬就稅款項下撥發江華賑款銀一千元臨武賑款錢一千串溆浦賑款銀一千元以資辦理急賑並請代呈

大總統察核均經財政部電復奉准在案惟酃縣災區未廣會同詳稱尙在調查是以批飭切實勘合詳辦伏思湘省上年水災蔓延二十七縣秋成異常歉薄目前青黃不接思澄接任後已分別設法籌備救濟以維民食而衛公安復據各該知事先後詳報前情思澄比即飭令就近設法賑撫至被衝田畝如僅被淹卽退自當分飭及時補種毋使荒蕪果係衝潰成河及砂積成洲一時不能開耕或非人力所能墾復者自應將應納租稅呈請分別蠲緩以惠災黎除分飭該管道尹委員會縣復勘審定災情造具圖冊並將應賬戶口查明併案詳由思澄核辦及分咨內務財政兩部查核備案外所有江華臨武溆浦酃縣會同等五縣詳報大水衝廢田畝遵例呈報備案緣由理合彙案具呈謹乞

大總統鈞鑒訓示謹 呈

中華民國四年六月二十五日

湖南巡按使公署飭

爲飭知事案據東安縣知事張業勳電稱前委夏紳之時承領省穀一千七百石茲據電稱已與留省賓校長步程另籌三百石抵欵請併照發等情據此查該知事前電請借省倉穀六千石比經核准電覆並飭知該廳查照在案茲據前情合計尙止二千石自應照准合行飭仰該廳卽便查照傳知夏委員遵照繳欵具領並具報查考此飭

湖南巡按使陶思澄

右飭財政廳

准此

湖南巡
按使印

中華民國四年六月

日

湖南巡按使公署電

零陵知事轉東安縣知事電悉已飭財政廳照准夏紳繳抵發領巡按使陶有印

巡按使公署咨 靖武將軍文

爲咨行事承准 內務部咨開准政事堂交貴巡按使呈湘省迤南七縣清鄉竣事謹將先後辦理情形會呈鑒核等情奉 批令呈悉交內務陸軍兩部查照備案此批等因奉此並准貴使咨陳到部除由本部備案外相應抄錄 批令咨行查照等因承准此查此案係由貴行署掣銜主稿呈咨茲准前因相應咨行 貴行署煩爲查照此咨

靖武將軍督理湖南軍務湯

湖南巡按使陶思澄

中華民國四年六月二十五日

巡按使陶示

爲出示曉諭事照得湘省各屬上年多係被水歉收今春本使在財政廳任內卽經撥款委紳採購穀石以實倉儲而謀預備現屆青黃不接省垣穀米來源稀少市價日益加昂貧苦小民

日食維艱何以堪此亟應開倉平糶以惠窮黎茲已飭由財政廳等籌擬辦法詳經核准定于七月一日開局發糶城廂內外分設七局地點開列于後定價每升六十五文先由警廳調查戶口分別丁口大小按戶發給購米執照大丁每日准持照購米一升小丁購米半升每日自早辰六點鐘起至下午兩點鐘止仰城廂內外人民一體知悉凡領有執照者屆期前赴就近局所遵章按日持照購取毋得擁擠爭先滋擾生事如違究治不貸其各懔遵切切此示

計開

城內五處

南門西牆灣天妃宮

小吳門曾公祠

理問街多佛寺

南城外一處

惜陰街陶公祠

北城外一處

天壇側關帝廟

巡按使陶思澄

湖南巡按使印

中華民國四年六月二十四日

巡按使陶批

批甯遠張運海稟張琴冤陷慘斃懲辦誣告蕭春熙等由

稟悉查此案訟經數年迭爲翻覆嗣經高等檢察廳詳請 總檢察廳核辦旋又據歐鴻高等稟稱業由 大理院發還高等審判廳再爲審理究竟最後之審判如何情形本署無從懸揣仰高等審判廳查案具報備查此批副稟發

批靖縣知事詳報常平倉穀盤量失耗可否准以失耗作抵請核示由

據詳已悉該縣常平倉穀派委殷實紳士經營現經逐一盤量失耗一百八十石是否確無弊混仰該知事妥慎考察如果實係虫傷鼠耗應免賠累毋任朦蔽是所切要繳

批行衡陽道尹據僧成就等稟花藥寺鐵案弊謬謹錄卷批瀆懲復查由

稟粘均悉查此案前准 部咨以佛學會母得仍住該寺比經劉前使行道飭縣依照執行在案該僧等如有不服應向原判司法該管上級機關依法上訴茲核來稟矯辯多端且對於地方行政長官信口詆毀實屬荒謬究竟該僧等已否將佛學會遷出該寺仰衡陽道尹轉飭衡陽縣知事查明如仍盤踞卽行驅逐並將查辦情形具報備核此批副稟發
粘件附

批水警廳水警第一專署詳賈接收前任移交清冊請備案由

詳悉前任交代旣經該專署長逐一點收清楚所費清冊應準備案仰水上警察廳轉行知照

再嗣後來詳除事涉緊急准由該專署逕詳外其餘均應由該管水警廳核轉以清權限而明統系併飭知照副詳批發冊存

批武陵道詳復水警署指撥常德舊府學署爲駐在地點由

詳悉常德舊府學署署址既在城內距河不近似於水警署不甚相宜該道尹擬另覓河街附近公房撥給應用所見尙是應准如詳辦理仰卽知照並轉水警第一專署署長知照繳

批岳陽知事詳據李宗湘等稟請轉詳縣屬受災狀況由

詳悉據稱該縣春雨夏旱秧苗受損荒象已成等情由人民李宗湘等陳請轉報該知事是否親詣履勘未據聲明案關荒政應卽遵照勘報災歉條例認真辦理仍一面設法維持以濟民食併仰新任知照切切此批

批行益陽縣據龍梅先等稟控簡玉秀等捐費不繳一案由

稟悉天成境堤工宜合修不宜分築既經委員勘明通詳于前復經全境人民開會議決于後是通力合作之舉詢謀僉同該民等經該縣知事委任辦理堤務所訂取費章程亦經該公署核准出示尙無不合如果簡玉秀煽惑蕭永達等把持應派之費不繳殊屬不顧公益案旣訴經該縣知事訊斷仰益陽縣迅卽查照原判追繳毋任刁抗致令功虧一簣是爲至要副稟發批鳳凰知事詳報龍子科等家被搶一案勘驗情形由

據詳及圖冊均悉仰卽選派幹隊勒限懸賞并飛咨隣封營縣一體協緝此案駐盜務獲提同

劉應東研訊確供議擬詳辦此繳圖冊存

批行湘潭縣知事據黃玉軒等稟胡紹祺冒認兌買小樹爲法枉閉懇飭再審由
稟粘均悉查此案前據胡紹祺具稟到署比經劉前使批縣迅速查照原判追繳完結在卷該
民等賠款果屬冤抑當堂訊時何以不力爲辯白事後又復曉曉難保非借詞抵賴姑念自稱
鄉愚仰湘潭縣知事查核案情秉公處結並具報備查此批副稟發

七月一號

十二

實業

湖南巡按使公 訖

爲飭知事案准赴美賽會監督處咨開查我國此次赴賽物品視他國爲特多前在陳列時間以十八省之協會八九館之地點三千箱之巨裝數十萬件之出品每箱分省每件分館每館分廚悉須編號對單貼籤估本偶一不符不准開箱初在碼頭堆積如山繼進堆棧再行分運會場手續繁重英文單冊累候盈箱凡出品人員初到此間不諳英文未經外國賽會者靡不望風却步且美國陳列館院全係空廠同時建築裝潢動需巨款大部所定預算屢奉核減不敷頗巨因而款絀事繁人少時促強以所難則疑謗交乘略主撙節則怨尤叢起勉策進行困難殊甚計自著手以來凡閱三月之久始將前定八館面積一律布置完全幸開幕以來美會場各員及游覽各員各西報記者紛紛前往參觀均盛稱物品優美深爲滿意並有三四著名西報於教育工業二門特加表揚原文臚舉教育成績及雕刻刺繡蠶絲綢緞銅漆陶磁草綢摺扇各種推爲各館之冠其他如美術農業文藝礦物食品交通政府等館所陳各品其優點不讓於人但少有破損及同樣之品照章不能全列祇以備補至堆棄碼頭絕不陳列等語全係謠傳幸勿輕疑自交四月以後卽行籌備審查經美會場新定審查章程全國共派審查員五百人美國人佔十之七各國人佔十之三此次到會賽者共二十四國因我國物品最多經與美會場及國際委員會會商數次得由我國派出審查官十六員分館加入審查照各國

均算幾逾十分之一將來評選給獎可卜優勝且於振興商務前途大有希望足稱榮幸近聞有海外黨報本處革員往往捏嗣誣謠希圖破壞賽會損傷信用深恐國內報紙據爲實錄輒轉記載致令各商疑懼至爲可慮相應將與賽經過事實備文咨請貴巡按使查照轉知協會商會及各出品商人以慰羣望而慎商情實紓公誼此咨等因准此除飭商務總會轉知各屬商會外合行飭仰該總會即便知照轉行各屬品商人一體知照此飭

巡按使陶思澄

右飭巴拿馬賽會湖南出品協會

准此

湖南巡按使印

中華民國四年六月二十五日

湖南巡按使陶批

批百鍊礦務公司稟爲安源焦煤擬俟全數售完將所得價金連同上年運滬餘金一併繳還公款由

稟悉查該公司屯積安源焦煤前據官股協理湯振西報告復於前月裝運一千噸赴漢售與萍興公司計得價洋例銀八千一百三十兩當經本公司署函飭該公司將售得之價除開銷必要運費外至少應解繳洋例銀三千兩旋據函復准于陰曆五月底取得煤價全數即行照繳

應卽照案于五月三十日以內遵將洋例銀三千兩連上年運滬售價餘銀七百兩一並解繳
本署不得再行延欠致干未便至所餘焦煤一千餘噸仍應陸續籌銷將價繳納以全信用而
重公歎仰卽遵照繳

批第一紡紗廠總理李章鍔詳請開去總理兼職由
詳悉該總理辦事認真向爲本使所嘉許現在紗廠籌備開辦事務殷繁以前移轄并賴清釐
切望勉爲其難以資共濟所請開去兼職之處應毋庸議繳

教育

湖南巡按使公署飭

爲飭委事案查本省縣視學章程縣視學應由各縣選送該管道尹考試評定甲乙轉送本公司覆試等語前據湘江道送到考取人員當經先予覆試在案茲據衡陽辰沅兩道續送考取各昌履歷名冊試卷到署又前次漏未覆試之左襄補譚爲龍陳應煌等各員先後稟請補試前來業經劉前使批准補試在案查應試各員多半寒畯若候武陵道屬彙齊覆試恐不免多延時日茲爲體恤各員起見定於本月二十八日在公立法政專門學校內將各該員先行覆試俟各道彙齊後再行校閱以定去取除牌示并飭知公立法政專門學校校長教務長屆時騰出校室並會同監察外合行飭仰該員卽便遵照於是日七時前往該校點名監試以昭嚴密此飭

巡按使陶思澄

右飭委陳廷英准此

湖南巡

按使印

中華民國四年六月二十五日

七月一號

十八

雜件

公債四字歌

國家財政 有時奇奢 募集內債 藉以彌縫 緩急相濟 有無相通
藏富於民 何患乎窮 國以饒裕 民有餘盈 上裨國計 下益民生
良法美意 競相彷行 無論歐西 無論亞東 衡覽環球 各國所同
達官顯宦 巨賈富紳 婦人孺子 販夫勞傭 蝙家變產 倒篋傾囊
羣相競購 風起雲涌 巨歛立集 國庫以充 朝野上下 不約而同
急公愛國 足見真誠 去年八月 奧塞戰爭 誓結兵連 全歐震動
影響所及 國庫驟奢 政費無著 應付已窮 殘結兵連 不約而同
利息六厘 載在章程 按年付利 決不欺朦 動搖士氣 亂世橫流
擔保確鑿 爲數已盈 信用彰明 購者踊躍 備極歡迎 勸善懲惡
曾不三月 外人誇讚 彼此爭購 仍未少停 千六百萬 募債良法
國民額手 群相稱慶 購者踊躍 口不絕聲 比較原額 於以仿行
國之異彩 民之殊榮 何期歐陸 戰局未終 本利還清 有利可圖
金融緊迫 賠借各款 尚須付應 同胞愛國 原額所定 本利還清
新舊租稅 國庫空空 通盤籌措 競有餘贏 如此真誠 有利可圖
若復加增 賠借各款 通盤籌措 仍未止停 無計可行 業經確定

半途中道詎能變更有失信用
屆期不付所係匪輕
榮辱之際激發熱誠
願我國民乘堅策肥
願我國民齊心努力
乘堅策肥履厚席豐
購買內債以濟國用
環列臥室手自標封
悟然不覺偷窺已空
購買內債藏之于公
堅穩牢固其利無穹
因應偶乖虧累堪痛
覆轍相循無人悟醒
用納租稅用作憑證
凡我國民皆宜猛省
出其所有以足國用
視作木鐸視作晨鐘

欲炊無米巧婦難成
羣起誚責惟有內債
繼續可行惟有內債
國之休戚齊心努力
不自私利扶危定傾
實所與共即為效忠
處此危局大家世族
不肯輕動金錢滿簾
疾首蹙額更宜奮興
喪失損害達官顯宦
頓足捶胸處此危局
政府擔承食粟萬鍾
購買內債大家世族
藏之于公金錢滿簾
偷窺已空更宜奮興
其利無穹頓足捶腳
藏之于公食粟萬鍾
堅穩牢固喪失損害
因應偶乖頓足捶腳
虧累堪痛愧喪無極
覆轍相循悔恨何穹
無人悟醒盜賊橫涎
用納租稅盜賊橫涎
用作憑證悔喪無極
凡我國民利害未獲
皆宜猛省不虞騙坑
出其所有利害未獲
以足國用此項內債
視作木鐸此項內債
視作晨鐘此項內債

巧婦難成胡辭以聽
羣起誚責國將受辱
繼續可行舉其利益
實所與共說與衆聽
處此危局食粟萬鍾
扶危定傾達官顯宦
實所與共食粟萬鍾
即為效忠更宜奮興
大家世族處此危局
即為效忠更宜奮興
金錢滿簾大家世族
更宜奮興處此危局
頓足捶腳大家世族
食粟萬鍾更宜奮興
愧喪無極頓足捶腳
盜賊橫涎愧喪無極
盜賊橫涎更宜奮興
悔恨何穹盜賊橫涎
盜賊橫涎悔恨何穹
利害未獲盜賊橫涎
利害未獲悔恨何穹
不虞騙坑利害未獲
不虞騙坑悔恨何穹
利害未獲不虞騙坑
利害未獲悔恨何穹
實所與共利害未獲
實所與共悔恨何穹
愛國之誠利害未獲
愛國之誠悔恨何穹
四字俚言利害未獲
四字俚言悔恨何穹
願皆傾聽實所與共
異姓親朋願皆傾聽
本宗長幼異姓親朋

彼此勸獎

羣速起應

大宗巨款

指日可成

賠借各款

有所付應

信用不失

何等光榮

同心愛國

是真可敬

惟有三拜

向衆鞠躬

湖南政報刊誤表

日期門類頁數行數誤

文正

文

廿三電令

劉顯瀉

劉顯潛

二二

此案肇衅口起

此案肇衅緣起

二四

揣情尙有可原

揆情尙有可原

廿九內務

八

口誦芻辭之旨

與誦芻辭之旨

廣告

湖南官書報局新出各種書目表

啓者本局開辦一年以來定立編譯搜訪專章一時鴻碩相與編校寫定外間藏稿亦多聞風投送佳書秘冊日益浸多將擇尤印刷公諸同好除本局自印圖書彙目報告外恐世人不盡周知用更擷取已經寫定及正在印刷者臚列目錄刊諸報端供留心文獻 諸君子之快覩一俟印刷全竣再規定價目列表登報聲明茲將編譯搜訪兩項之書依目下寫定印刷兩項分別析注如左其正在編譯寫校者不與焉

本局編譯書目

易表一卷

易釋五卷

周易大象吟一卷

禮記大學古微一卷

中庸大義一卷

十二律相生表一卷

三禮注引漢制疏證八卷

歷朝經學史三卷

經學研究法前編三卷

文字源流一卷

寫定

漢壽易順豫撰

同上

漢壽易順豫撰

同上

薪水南奉春撰

同上

漢壽易順豫撰

同上

同上

同上

同上

同上

長沙皮嘉祐撰

同上

羅田王葆心撰

同上

同上

出版

長沙胡棣華撰

史贊一卷

通史前編十卷

天完國志七卷

老子述韓二卷

變理芻言二卷

湖南三家詩鈔十六卷

古文詞通義二十卷

海牙萬國保和會約章三卷

衛生學一卷

動物昆蟲學一卷

法蘭西兩少年愛國游歷記一卷

本局搜訪書目

墨子曹氏箋十五卷

讀騷論世二卷

雲山讀書記二百四十卷

幕府瑣言五卷

藻川堂文集十五卷

藻川堂詩集五卷

宜定

湘潭王闡選撰

同土

益陽曾鼎忠同撰

同土

羅圃王葆心撰

同土

長沙吳嘉瑞撰

同土

漸水南奉春撰

同土

甯鄉程頌萬編

同土

羅田王葆心撰

同土

漢陽劉文彬譯

同土

薪水郭炳衡編

同土

衡陽劉向日譯

同土

長沙曹耀湘撰

同土

武岡鄧繹撰

出版

印刷

寫定

同上

同上

同上

野蠶錄二卷

果園害蟲圖表一卷

說猪一卷

說肥一卷

墨子備城門備梯備水諸篇脫誤訂正五卷

墨子尙書古義三卷

無冤錄輯注二卷日本上野圖書館鈔出本

銳齋隨筆四卷

本局寄售書目

鹿川田父集五卷家刻本

傅魯堂詩初集三卷新水湯氏刻本下同

傅魯堂詩二集四卷

寧夫容室駢文四卷

傅魯堂文外集六卷附箋啓二卷

觀二生齋隨筆二卷

使陝記二卷

使浙記一卷

同上

衡陽左雞麟編

王元紹編

同上

同上

寫定

長沙胡兆鸞撰

出版

歸安沈家本參同上

寫定

郴縣陳爲鑑撰

同上

羅田王佑輯注校

出版

甯鄉程頌萬撰

開雕

羅田周錫恩撰

下同

同上

同上

同上

同上

同上

湖南官書報局謹啓

湖南政報處通告

本報爲預防省城內送報夫役侵蝕報費起見特製有二聯收據若干紙以一聯存本處備查以一聯給各閱戶收執茲定自七月一號起凡城內各閱戶欠數報費本處即按月照數填寫收據月終卽酌派妥人持向催收務望各閱戶憑此收據交費如無此據而私自交付者本處概不認賬此白

本處緊要啓事

本處爲稽查報費防報差浮冒侵蝕起見特製有二聯定報單一紙以一聯存根備查以一聯交定報者填寫後照單發報嗣後購報諸君親來本署發行所訂閱本報務請照式填寫若係在外向報差面訂者亦請將姓名住址定閱之份數暫期限以及當付報費若干詳細開條交報差帶回以憑換填定單照送如無定單概不發報用特聲明此啓